

# QVÆSTIO MEDICA

## QVODLIBETARIIS DISPVATIONIBVS MANE DISCVTIENDA

IN SCHOLIS MEDICORVM DIE IOVIS XXXI. DECEMBRIS.

M. MARTINO AKAKIA, Doctore Medico, Præsides.

*An ineunte febre continuâ, unâ sevo dolore ventris, opij usus phlebotomiæ præferendus.*

**F**EBRIS nativi caloris morbus est, qui è blando & miti in igneum conversus, primùm in corde accenditur; mox in universum corpus effusus, partium omnium actiones, paucorum dierum curriculo corrumpit. Calor si plures persistat dies, nec ullis intervallis distinguatur, continuam parit, mitiorem, graviolem pro succorum varietate, qui in venis effervescentes, varium toto corpore commovent incendium. Sanguis à molli tepore longè levissimum calorem exsuscitat; si putrescat paulo acriorem accendit: pituita non acris admodum, sed fumosa & halituosa tangenti primùm occurrit, postea mordacior apparet: melancholici succi exardescit magis, biliosus humor acerrimo calore insignis est. Omnem illum calorem nemo medicus artis consultus neglectis contemptisque principibus remediis, solis alterantibus fucare tentaverit, fontentibus per initia morbi visceribus nutritis. Sed imitabitur naturæ modum, quæ nonnunquam die critico, quo tempore corpus dolere, æstare, uri maximè videri potest, multâ sanguinis è venis naturæ, sedis, uteri effusione, incendij fomitem feliciter abscindit.

**V**B primùm laceßere febris incipit, quandòque nullis, quandòque gravioribus symptomatis est comitata; puta vomitu, animi deliquio, capitis artuumve dolore, ventris sæpius, eoque peracerbo, mezentium quippe quasi sentina totius corporis, venis & arteriis, quibus innumeris contextum est, meatuum & remanentium succorum illuviem omnem excipit; hinc sæpe causa doloris, quando humores ibi delitescunt, accedente febris ardore commoti, ad vicinas membranas pelluntur, plerùmque incandescunt viscerum aliarumve partium sanguine inflammatio tensioque magna exoritur, vel bilis & serum in venis innata mobilitate, fervorèque febris agitata multo impetu ad intestina ruunt, quorum cæcis vaforum anfractibus clausa, dum tunicas eorum, vel copiam distendunt, vel acrimoniam mordent, immanes dolores exsuscitant. hos solo stuporem inducente medicamento mitigare religio est. ne eò defixi humores postea caput efferant, ægrumque jactent vehementius, & fusi attenuatique, quemadmodum fieri amat in colicis affectibus, dorsi dolores committant, aut paralysem generent, vel ad articulos transmissi, arthritidem.

**P**RAEVERTVM lacryma liquore gummeus, vulnere aut spontè è caputibus eorum exudans, opium est. Meconium, succus è totâ plantâ expressus. Illud rarius, & officinis ignotum ferè; hoc usitatum magis. utrumque quibusdam diversarum partium, calidum & frigidum. mansum enim os urit, mentem percellit, turbulenta parit insomnia, martem, & venerem accendit, stuporem & interitum accersit. Inde cum ex contrariis ac repugnantibus inter se naturæ viribus conflatum videatur, anceps medicamentum est, infidum, fallax, quod & verabitur semper, & retinebitur. Superat tamen in illo calor, & in ardore summo, ac intolerabili cruciatu, neglectis potioribus auxiliis, solum exhibere periculi plenum existit. auget quippe præferendam viscerum intemperiem, vitiosos humores doloris parentes coërcet; & ut eum minuat, curatu tamen difficilem affectum reddit: partes siquidem omnes ad sensum & motum torpidiores factas, excrementis, quæ excutere nequeunt, tandem opprimit, vel rejectis ad ipsa præcordia saniosis & dolorificis humoribus, non leve periculum principibus partibus ingenerat.

**F**EBRIS continuæ curatio, ut & doloris sedatio, egregiè sanguinis missione perficitur. Cædendæ præcipue ex venâ sunt, quæ amplæ & expeditæ, non procul remotæ ab illis partibus quæ dolore afficiuntur, ut ipsi calore febrili æstuantibus, promptissimè refrigerij plurimum accedat, humoris dolorem efficientis multum eracuetur, unâque pendentibus inde variis symptomatis strenuè succurratur. Vnde si quæ subest visceribus nutritis inflammatio, facile exinguitur, fervor ebullientis sanguinis mitigatur, ab educito multo sanguine, toto corpore non leviter refrigerato, nullo etiam suppressionis metu serosi biliosque humoris, qui aliunde regionis partibus negotium facit, nulloque refluxus periculo, qui imminet à remediis narcoticis. Concitatam enim fluxionem arceat, & revellit; humorum acrimoniam contemperat, & delinit, dolorem mulcet, fomitemque & lares ipsius exhaurit. ejus in febribus administratio nunquam intempestua, nequaquam molesta, nimirum in unâ venæ sectione, tot insunt virtutes, medicamento narcotico denegata. Nul- lum enim sedando dolori præsidium memorari potest præsentius, seu refrigerare volueris, seu materiam doloris rescindere, si ad animi deliquium usque perfereretur.

**H**INC longè securior est omni narcotico medicamento, ineunte cum febre dolore, phlebotomiæ ratio. quæ est vilissima videri queat, & vulgo notissima; in eâ tamen summa medicinæ vis atque dignitas elucescit: ut quæ multorum auxiliorum loco, cum morbo pugnet, vitiosos humores revellat, evacuet, adeo ut quæ corpus nostrum regit facultas ea oneris parte levata, doloris si quæ superest materiam facile queat emendare, adulantium medicorum, & auram popularem captantium panacea est meconium; quod plerumque nullo indicationum ductu, neque accuratè perspectâ ejusdem vi perniciosâ usurpatur: ut solent ij, cum in ipso febrilis exacerbationis principio, tussis sedandæ causa id exhibent; cuius tunc temporis eventus scilicet, cum ad miraculum sapere vult fortunæ temeritas. venenum est; tantâ siquidem pernicitate vitæ corripit, ut dissecto eorum, qui opio potionati sunt corpore, cordi adhæsisse compertum sit. Certè opij injuriâ multi lugent, plures iniquâ vivepdi conditione, oculorum, aurium, memoriæ, mentis denique usu destituti, miseram vitam ducunt. pueris, senibus aut quo quo modo debilitatis exhiberi sine scelere non potest; quod naturalis vitalisque spiritus pestifero narcoticorum medicamentorum afflatu exinguitur, quò sit ut spirituum vigore privata natura exuatur quilibet moliendi potestate, corpusque effectum febris dolorisve materiam nequeat evincere.

*Non ergo ineunte febre continuâ, unâ sevo dolore ventris, opij usus phlebotomiæ præferendus.*

### DOMINI DOCTORES DISPVATVRI.

M. Carolus de Larval.  
M. Dionysius Dodart.  
M. Dionysius Puyson.

M. Io. Baptista de Revelois.  
M. Fabianus Perreau.  
M. Edmundus Charrier.

M. Guillelmus Petir.  
M. Rolandus Merlet.  
M. Stephanus le Gagneur.

Proponebat Lutetiæ MATTHÆVS THVILLIER, Ambianus, A. R. S. H. M. DC. LXV.